

光緒重修天津府志

重修天津府志卷二十五

考十六

輿地七

寺觀

天津縣

海光寺 在南門外康熙四十五年建初名普陀

寺五十八年

賜廟額曰敕賜海光寺

賜正殿額曰隨處潮音

賜正殿聯曰水月應從空法相天花故落映星龕

前志宋師會海

光寺賦序節錄海光寺者湘公上人所住持也歲在丙戌天津總鎮藍公開水田於南門外創普陀

一光緒戊戌

寺延上人爲方丈主於時大殿未完閣前立柱席未煖而藍公陞任於閏工程中止上人以機緣未至冷坐一室者十年丙申余備員運使閒過其地憫其日頽月廢始爲之建山門完大閣戊戌爲之築墻垣謀廊廡已亥爲之開河取土以崇寺基恭遇

駕幸西旋上人以扁舟迎謁奏對稱

旨賜紫賜額於是直隸制府趙公守道李公津道朱公分

司杜公皆仰體

聖心踴躍抒誠鳩工卜日不終歲而凡叢林所應建者無

不備舉金碧輝煌規模鉅麗天下皆知有海光寺焉辛丑啟建道場奉有鹽法道瞻禮之

旨九十日勝事彌天懽聲動地余就寺之所有乾隆閒

目之所見作一賦以鋪揚太平之盛

賜正殿額曰普門慧鏡

賜正殿聯曰覺岸正光明如水如月法流大自在非色非

空

賜寺內

御書樓聯曰春物薰馨含慧業名禽宛轉入聞思

賜寺內大士樓聯曰不生波處心恆定大寂光天相總融
賜寺內後樓聯曰歡喜白毫光妙明合印莊嚴香水海安

隱同參有

御製詩石刻

恭載卷四嘉慶閒

賜正殿額曰慈照圓登

賜正殿聯曰法相總持通海會性空無盡發天光

縣志

孤雲寺 在城外舊名白廟康熙四十八年

賜寺額曰孤雲寺

前志

般若菴 在城西梁家嘴康熙間

賜額

賜聯

蔡啟盛案此菴僅見縣志且云有

仁皇帝賜聯額而查其恭紀

天章中又失載今詣訪見

御筆額為清素二字楹聯則已無矣

望海寺 在城外河北岸前志乾隆元年巡鹽御史

三保題請重修

賜正殿額曰瀛壖慈蔭

賜正殿聯曰普度指通津慈航示喜真如參覺海法界超

塵

賜後殿額曰海藏持輪

賜後殿聯曰證彼岸恆沙視茲喻筏滙眾流一滴笑與拈

花有

御製詩石刻

恭載卷四嘉慶閒

賜正殿額曰鏡流法喜

賜正殿聯曰滴水悟三乘妙參筏寶大瀛收一覽慧徹珠

圓

縣志

崇禱觀 在望海寺旁

采訪冊

乾隆閒

御書廟額曰敕賜崇禱觀

御書正殿聯曰詆蕩玉閭開監觀有赫穆清香案仰廣運

無爲有

御書崇禱觀三字碑有

御製詩石刻

恭載卷四

嘉慶閒

御書正殿額曰高穹咫尺

御書正殿聯曰閭闔啟通明氣調玉燭鴻濛肇宗動瑞應

璣衡

縣志

福祐祠 在水師營新城乾隆閒

賜正殿額曰雲海香臺

賜祠內水母殿額曰資生廣潤

賜祠內關帝殿額曰神昭赫濯

賜祠內關帝殿聯曰凜正氣浩然準茲溟渤式靈威儼若

壯我干城

通眞道人祠 在院署大樓後同治八年

賜額曰玉清福祐

俱同上

大佛寺 一在大沽水師營雍正七年水師營都

統拉錫奏建

前志

一在東門外河東明崇禎二年

重建

湧泉寺 一在南門內 一在大直沽 一在小

直沽明宣宗征樂安州渡此賜金幡二正統十年

漕運參將湯節重建

俱同上 明程敏政重修天津湧泉寺記我文廟入靖內

難自小直沽渡蹕而南名其地曰天津置三衛以
守則永樂甲申也都北以來兵備加嚴地重事殷
無所責成乃弘治辛亥置按察副使一人奉璽書
專理置司天津巴渝劉公首被推擇而來適百度
之弛也久公悉厥心以次修舉爰先事城櫓次及
閱武場次及學宮不三四年皆告厥成公以每年
聖旦令節及元會長至四大禮必先習儀於所謂
湧泉寺者寺止舊堂十有二楹卑陋弗稱且其前
地狹容僅百人講肄禮文多不能如式方岳入覲
者前期及此或拜於舟中展敬而已莫可致力公
惕然曰是非守土之責哉乃募工鳩材拓地若干
步值他寺在令甲當廢者三悉撤而用之湧泉一
爲前殿一爲伽藍殿而移舊堂於後爲具服所僧
舍則聽築於垣外由是習儀之際陞墀高廣宮宇
覲深儀衛具陳冠裳就列儼乎若六龍當御八佾
在縣典謁者有所藉而周旋入覲者咸得與事而
免於苟簡觀者嘖嘖知禮之當肅也若此於是三
衛具察書來京師請予記惟公治天津總一道兵
刑之任而無利權可展布乃能節縮浮費修城浚
隍簡戎器矧樓櫓興文教使輿轡之士兼俎豆之

習屹然京師一巨屏又以其暇日新茲梵宮示人以禮其施之有序其爲之有法惡可不書之告來者俾謹嗣之而毋忘斯役之所自哉或疑釋氏之宮非吾人所當起廢似又不然彼徼利於鬼神破吾民之財力爲異教者倡是誠舛矣今所葺者特藉此寬閒清寂之境伸遠臣敬上之至情其奚不可之有昔韓子謂浮屠氏有慕吾之道者拘其法而未能力入今卽其地與其庭修禮樂之容明上下之等設贊相拜起陟降進退之節秩乎粲然先王之制而昭代之所因也安知不有如韓子之說可化其徒使歸於中國聖人之教者哉是亦可書公名福字順夫起進士甲科屢更中外以公勤練核著稱一時是役也董之者指揮周粲千戶唐玉佐之者指揮倪雄黃溥呂昂裝繪諸梵佛像者土人張俊民季興張安而主是寺者釋悟懷也法得附書

白衣菴 一在城東南隅康熙四十七年重建俗

名大寺

前志

一在城內東北隅

縣志

白衣寺 在北門外河北岸明正統七年建名觀

音寺 前志

國朝順治十七年重建改名白衣寺 同乾隆間大學

士于敏中鹽運使吉虛中天津道宋宗元重修 縣志

白衣廟 一在河岸 一在楊柳青河北 俱同上

甘露寺 在北門河北岸明季建

國朝順治元年重修 前志

育德菴 在西門外瓜菜店河岸明季建

國朝順治六年重建

稽古寺 在西門外西北隅明萬曆七年敕建

國朝康熙三十八年重建有藏經閣俱同上朱彝尊

寺重修藏經閣記佛之書入於中國其初四十二
章耳其後盛於姚秦熾於梁大備於唐代興日繁
幾與儒者之書相等縉紳學士靡然舍已所學從
之而其徒復侈大其事鳩土木以爲之宮飾朱丹
以爲之楹誦焉則有拜跪坐起之容梵焉則有抑
揚高下之節而又緇繩以襲之鐘鼓以宣之其所
以崇奉之者靡不至自孝定皇后篤信其教命中
使頒經藏於梵剎其徒猶慮未廣更梵筴爲篇籍
自是經藏薄海內外所在多有嗚呼使遇漢明梁
武又可知矣天津衛屬京畿之衝城之西門有稽
古寺藏經之閣峙焉地近海多風飛沙晦冥歲未
久閣圯浮屠舍光者新之予棹舟道此登焉夕陽
在衣風鈴錚然翔鳥上下爲之目曠心怡含光語
予曰凡吾材之所需并稅之入升盜之儲積之累
年始成焉憚閣之頽而經藏將失也今縉紳學士
誦法周孔其於六經百氏之書舊聞放失往往置
勿問而府州縣學或傾廢不治不有愧於佛氏之
徒也哉浮屠之言雖非聖人所與而能崇奉其教

寺觀
以興廢自任若舍光者殆亦聖人之徒之所進也遂爲文以記之
光緒十三年知

府汪守正改寺爲書院

采訪冊

慈惠寺 在西門外姚家灣明崇禎九年重建
前志

鎮海寺 在城東大直沽明崇禎二年重建

慶國寺 在城東大直沽迤南一名掛甲寺
明劉生中

重建掛甲寺碑記大直沽迤南三里許有古刹曰慶國寺後名掛甲其由來遠矣圖經無考得於父老傳聞云當大唐征遼奏捷駐師此寺因更名焉世遠傾頽遺址尙在今遊擊將軍張良相奉命東討曰本國道經於斯嘆曰余將凱旋而亦掛甲於此焉督本營千總官袁應典等率隊伍蘇敬等各捐貲興工踴躍從事天津廩生孫從先捨地十畝協力重建不兩月而底績棟宇嵯峨象設赫濯遐邇士女瞻謁雲集隨祈隨應旣而東倭蕩平旋師掛甲神其有赫乎不佞因摭其始末刻之於石以

詠來者云

無量菴 在北門內康熙五年重建

大悲院 在北門外河北窰窪康熙八年重建同

上朱彝尊大悲院記孔子歿百氏之學興其最盛者楊朱墨翟治墨氏之學者至分爲三其師說之不傳豈非孟氏闢之也與浮屠之言近乎墨者也墨之教摩頂放踵利天下爲之而獨於治喪也以薄爲其道爲浮屠者術主乎慈其始去父母昆弟捐妻子而不顧詎非忍哉昔孔子不遇於時馳驅四方若微生畝接輿荷蕢之徒交訕其後而曰吾非斯人之徒與而誰與痛哉其言也蓋吾觀於佛獨善彼所稱觀世音菩薩者推其願所至欲盡斯人而登之善其去孔氏之旨不遠而大悲菩薩者彼所謂觀世音之化身也其手足之數多至八萬四千目必有所運手必有所執俾匠人一肖之佛氏之教則然禪人世高結茅天津之衛夏以水冬以茗果施往來之人而子友曹君實司武備

茲土捐俸錢繼之程工庀材築室三楹題曰大悲
禪院而請記於予嗟夫舉斯世之人其可惻然悲
者衆矣惟泯於無所睹聞則已試游目而觀其迷
途陷溺目不能周手不能援者何限此菩薩之以
大悲名也而况聖人之心哉曹君勇而好文馭兵
以嚴而養民也惠殆所謂可使治賦者也夫浮屠
之言儒者疾之以其無預於世天下飢溺而不思
所以救也世高用其師之說獨以大悲菩薩自託
則豈盡無意於斯人者哉宜
曹君之樂其人而信其道也

直指菴 在北門外河北窰窪康熙八年重建前

大寺 一在桃花口明隆慶二年重建同一一在城

南蜂兒窩舊名觀音菴明代建縣志

先登寺 在北門外東北隅河北岸康熙三十五

年重建前志

天安寺 在城外西北濠舊名板橋寺縣志明季建

國朝康熙二十年重建前志

放生院 在西門外河北岸康熙三十年重建

永明寺 在西門外西北隅明永樂間重建

彌勒菴 一在西門小夥巷明季建俱同上一在東

門內石橋衚衕康熙三十八年天津道趙弘燮建

乾隆三十九年嘉慶元年重建縣志

香林苑 在三岔河口前志蔡啟盛案
即崇禎觀之西

觀音閣 一在河東鹽坨 一在小夥巷俱同上

在北門內縣志一在北門外 一在葛沽

觀音菴 一在東門外南斜街 一在楊柳青

一在趙北莊 一在城東姚家村明代建

觀音堂 一在大直沽乾隆年知縣孫景曾重修

一在城西馬莊

海潮菴 在城西北隅板橋西

海會寺 在城西稽古寺西元至正間天竺國僧

海會結菴於此故名明萬厯年重建

朝陽寺 在河北隄頭

黑寺 在北門外流水溝康熙年建

紅寺 在黑寺東明萬厯年建

白寺 在紅寺東明萬厯年建

圓通寺 在河北信家臺

報恩寺 在楊柳青

興福寺 在蒲口河東

宏濟院 在三汊河北明末建舊名法華園後改

國朝康熙乾隆年重修

淨土院 在河北審窪明代建初爲元帝廟後改

普濟菴 在城外東南隅舊名大悲林

維摩菴 在西門外康熙年建

水月菴 在城內西南隅舊名魯祖水月菴祀魯

祖康熙年建乾隆嘉慶年重修

元會菴 在開口

淨業菴 一在北門外河北 一在城西

寶林菴 在開口南

萬壽菴 在河東鹽關亭南

念佛菴 在東門外南斜街康熙年建

如意菴 在永豐屯

接引菴 在城西小夥巷康熙年建

草廠菴 在城內東南隅

延壽菴 在開口南

毘盧菴 在北門外河北

達摩菴 在西門內南

文殊菴 在河東鹽坨

三聖菴 一在河北 一在大儀門西 一在河

東雜糧店街

地藏菴 一在河東雜糧店東 一在南門內湧

泉寺東 一在葛沽 一在田家嘴 一在大直

沽明末建俗呼曰前菴 一在河東鹽坨康熙年

建俗呼祖師廟 一在開口下風神廟南 一在

永豐屯雙忠廟東 一在白塘口

準提菴 一在西門內 一在河東鹽坨 一在

楊柳青 一在北倉 一在河北甘露寺西

西方菴 在河東于家場東北明天啟年建舊名

湧泉寺

清淨菴 在北門外侯家後嘉慶年重建

善慶菴 在西門外張官屯明建

國朝康熙年改建道南

茶棚菴 在北門外迤西雍正五年建

紫竹菴 一在城東南馬家口下 一在楊柳青

河南康熙年建

大悲菴 在城外東南隅

廣壽菴 在河東過街閣南

善緣菴 在河東季家樓康熙年建

大覺菴 在城西教場河北初名三教堂

圓通觀 一在河東小關 一在白塘口

紫竹林 在城東南馬家口

獅子林 在三汊河北

大慈林 在城東南馬家口北雍正十二年重建

妙嚴宮 在西沽席廠

麻子宮 在水師營新城蠻子營俱同上

太虛觀

一在府署東南明成化間建前志

一在

東門外

縣志

朝陽觀

在倉廩

前志

丹陽觀

在府署西南

福壽宮

在小稍直口

俱同上

靈壽宮

在河東元至元間建

縣志

天清觀

在河北石橋康熙年間建名天慶寺乾

隆年鹽政穆騰額重修改名

同上

東嶽廟

一在東門外城旁

前志

一在大直沽明

天順年建

一在北門外河北明萬曆四十五年

建俱同

一在丁字沽縣志

一在楊柳青 一在

城南劉家莊俱同上

泰山行宮 一在東門外河東岸明初建崇禎七

年重建前志 一在城內二道街縣志 一在北門外

侯家後曰泰山菴 一在城東南馬家口 一在

楊柳青俱同上

眞武廟 在北門外河北岸明隆慶六年建

國朝康熙三十四年重建前志

元帝廟 一在河東瞿黃口 一在魚市口俱同上

一在河北關下嘉慶年鹽政徵瑞重建縣志 一

在西沽明萬厯年建

國朝康熙年重修 一在蒲口北頭 一在葛沽

一在大直沽 一在楊柳青河北上俱同

九天廟 在西門外明永樂間建前志

三官廟 一在西門外康熙二十七年重修 一

在南門外明弘治間建 一在東門外河東岸明

季建

國朝康熙四年重建 一在河北上俱同 一在北倉

趙家莊縣志 一在西沽 一在東鄉驪坨莊 一

在東沽 一在楊柳青 一在南羊塢頭 一在

泥沽 一在葛沽 一在鄧善沽 一在大沽

一在東鄉鄭家莊俱同上

三元菴 在城外東北隅河東小關明萬厯四十

二年建崇禎十三年重建前志

玉皇閣 在東門外

玉帝廟 一在中渡口俱同上 一在葛沽縣志 一

在丁字沽 一在鹹水沽 一在河東小關俱同上

白水廟 在河岸前志

財神廟 一在倉廩同上 一在縣署後乾隆年重

建縣志 一在東沽 一在大沽 一在新城 一

在葛沽

一在下郭家莊

俱同上

呂祖堂

在永豐屯

前志

呂祖閣

在東門外嘉慶年建

縣志

老君堂

在北門外侯家後

碧霞宮

一在泥沽

一在河北宜興埠村

三教堂

一在大稍直口南三里康熙七年建

隆三十二年重修

一在城東南馬家口

太陽宮

在西門外雙忠廟東乾隆年重修

俱同上

三皇廟

一在西門外西北隅元季建後更名古

皇菴

前志

一在大儀門內

縣志

一在河東鹽坨舊

名過街閣嘉慶年建同上

藥王廟 一在北門外西北隅明永樂間建前志

一在楊柳清明季建 一在北門外河北康熙間

建 一在城內費家衙衙明代建俱同上 一在河

東鹽坨縣志 一在河北嘉慶二年重建 一在桃

花口 一在土城邨 一在大直沽 一在葛沽

一在鹹水沽 一在鄭家莊 一在大直沽東

北明嘉靖年建俱同上

鹽姥廟 在蘆臺場原注按長蘆鹽法志蘆臺場在寶坻縣境今依畿輔通志

入天津亦曰聖母廟在寶坻蘆臺場距縣治一百八十里昔五代時南北分據幽燕之境鹽絕者歲

餘忽有老姥語人曰此地可煮土成鹽并傳其法遂失所在人皆神之因建廟曰鹽姥廟後有人新其像越日忽報臺南十里皎白如雪約十數頃厚積寸餘趨視之則皆鹽地居人競收之有瑞鹽歌

前志

五聖廟 在馬家口明代建

國朝乾隆閒重修縣志

魚骨廟 在海口鄧家岑廟只一閒魚骨為屋脊

塑小神像以魚圓骨為神座座旁有泉不堪飲同上

浙江鄉祠 在戶部街北原鎮倉關帝廟遺址康熙七年紹興高啟泰合越人寄居天津者捐資重建為浙紹鄉祠前志

乾隆四年知縣朱奎揚重修縣志

胡燏棻浙江會館碑記節錄光緒十年甲申冬
余攝巡是邦天津太守錢塘汪公守正權鹽運分
司慈谿嚴公信厚以余本越人就議初建未果越
二年丙戌春嚴公踵前議圖之同人攷得城東北
隅舊有浙紹鄉祠其先爲王文成公家廟順治初
紹人陸如岡張之達徐羽青等廟增殿閣像有功
於民之神春秋報賽置田給香火度僧住持蔣公
陳錫紀其緣起於石康熙乾隆間高公啟泰朱公
奎揚先後新其宇亦有文與蔣碑俱存歲久祠廢
不理僧占以爲業請於官乃得復因與汪公倡鄉
人釀金以價得祠西宅將拓而大之會錢塘張公
曜道經斯土秀水陶公模陳泉來直錢塘許公鈐
身觀察通永余亦同時除授天津道各出資助之
從者嚮應如恐不及張君敬熙復勸甯船之役漕
運者石出算若干期五年以補不足於是程功飭
材任王君宗堂董其役因祠之舊塤其漫漶葺其
頽壞無改作而以祠西地築館與祠通而別立門
設廳於前出入過焉構重屋於後位祀鄉先賢其
上承以夾廡拱以歌臺東於祠後隙地闢蔬圃施
修廊崇軒中起雜卉旁藝又東則高館曲房銜

命述職者於焉稅駕其餘庖廂廡各以序爲經始於丙戌秋八月至丁亥夏四月落成計費白金若干復節甯船所輸購東關海河岸民地建商船公所蔡啟盛案此祠原名浙紹鄉祠今東爲浙江鄉祠西爲浙江會館門額雖分仍通稱鄉祠也縣志雜記內有一則云城內鄉祠相傳有異人僑居一日辭去曰後樓墨污幸見諒出門不知所往僧旋視之東西粉壁平書進德修業四大字下遺墨盆又竹竿繫敝帶墨汁淋漓餘無他物壁高尋丈不知其何以書也東署乾隆十一年四月五日九字西署晉安胡御璣書六字云云今壁字尙存張氏別有摹刻可揭又前志載金華會館在其側今圯

青縣

觀音寺 一在縣治古城內有僧會司明宣德四

年僧會廣進重修成化十三年僧會文班增修

前志

俗呼大寺

縣志

一在衛河岸

前志

乾隆五十九年重

修縣志

一在縣署西

同治八年重修

一在王

維屯明嘉靖三年建

一在東港

一在殷官

屯寺中有古槐一株濃陰垂蔭時見異光或以爲

樹有蟾蜍鄉人往往見之 一在縣署東道光二

十四年知縣鄧椿林重修 一在城西南四十里

大孝子墓東南隅同治六年重修

俱同上

地藏菴

一在城北十八里

前志

順治六年建嘉慶

四年重修

縣志

姚廷贊重修地藏菴碑記節錄

羅奇荒僧徒闖其無人椶椽毀而莫構道人張應節募衆再造之始爲薤草開林繼復崇基表象原殿廓而大之左右新增二廡內塑十閻王及地獄天堂諸像二門外復置小殿二座一塑三曹一塑

城隍土地五道眾神蔽之以庭堂峻之以陞級殿
后禪舍廚房森立環列繚以周垣飾以丹堊斷烟
荒草倏爾金碧輝煌名爲仍舊功固有十倍于創
始者矣余因是而有感焉本末無物五蘊皆空釋
氏之教也我佛以空寂爲妙明等世法如泡影而
何有于遺像乎世道不留桑田變遷秦餘空山漢
遺茂草矧茲一字漫同靈光今日之金碧輝煌安
知非後日之斷烟荒草以正法眼視之不均屬無
有耶然像顯可徵雖愚不惑形潛莫睹在智猶迷
上哲卽心是佛中人見像修福天下上智少而中
人多今愚夫愚婦聞無上微言聽三藏祕旨低眉
思卧茫然不解一覲聖像莊嚴無不械足剗腹降
心輯志自此寺之建遠近絡繹奔馳如歸行見貪
夫遷善聾盲知方識浪安流地獄清涼謂非有功
于斯民不可况張姓一在王鎮店元代建明李佐
鼎立之勤不可泯也
王鎮店地藏寺碑記青縣地藏寺在治北二十里
與大城接壤後距斜岡前眺平野黑龍港掖其右
衛河映其左相傳前元時之所建也後燬於兵燹
所餘惟故地而已永樂初大城有高明遠者立地

藏廟於其上蕭然一茅屋耳正統癸亥青邑大尹
楊公景庸大正封界始改廟爲寺仍令耆宿謝震
延僧悟真以奉之是蓋有意於復舊惜乎真之力
不足以有爲也景泰癸酉居士劉英嘗遊都下聞
敕賜萬壽禪寺前堂文班道力洪大率衆懇請以
主其事班慨許之既至卽以重興爲己任恪遵法
戒丕振宗風僧俗欽事而信向者日新無已乃節
縮所出積蓄所入又得遠近所施若佛殿若山門
若法堂若廊廡僧舍廚庫之類或先或後以漸而
月歲益規制嚴整煥然有隆盛之勢殿之內
裝飾象設金碧奪目瞻者聳敬垣之周置田餘三
百畝園有圃其花草暨諸色樹大小殆以萬計
皆班自卓錫之初訖成化庚子二十八年間率其
徒之所經營也其用心也勤矣哉班師德勢德勢
師道孚道孚師淨觀淨觀宣宗制授洪慈普應禪
師僧錄司右善世道孚敕賜萬壽禪寺築壇傳戒
知幻大師僧錄司左講經德勢欽依萬壽戒壇住
持蓋其所傳有自故其所立不凡非偶然也今年
冬班以三十年來積累艱難恐其力久而湮沒將
勒石以垂不朽徵文記之且於碑陰並存施財者

之姓名余嘉其意之公廣悠久也不辭其請而爲文以畀之嗚呼天下之事類非凡近者所能了班之主一寺也興百年已廢之業而所成之盛足以光前啟後則其志願之堅遠材力之博大蓋可見矣若是者豈非其宗門中之巨擘乎時成化十六年記

廣勝寺 在城西二十里齊家營明嘉靖三十一年建

國朝乾隆元年重修

縣志

流泉寺 在城北三十里流河鎮明正德年建

同上

壽聖寺 在城南七十里

前志

興國寺 在興濟鎮南一里

縣志

明宣德九年僧悟

亮建

前志

洪音寺 在城東北十五里有元大德年所鑄鐘

其聲清越聞數十里

彌陀菴 在城南衛河濱卽繡禪菴

縣志

石佛寺 一在藥王廟東

前志

一在陸官屯

縣志

名隆興寺順治十四年重建

雍正通志 梅失名

濟鎮迤東陸官屯舊有寺名曰隆興

寺碑記節錄興

之餘殿垣傾圯鞠爲茂草順治十四年春屯中貧

老車名揚等將鼎而新焉值年穀順成鳩工集眾

閭數月而次第備舉廟前東南隅一廢土井未落

成時夜半偶現火團離地數尺者累日羣情咸異

爰聚畚鍤繼而察之掘土三四尺忽觸物鏗然有

聲紅光滿井在井中廟土者渾不覺而井上觀者

靡弗震駭未逾刻而得片石繩引而出浴而視乃

石佛二尊像不甚大左則丹砂煥若右則白玉瑩

然不假人力載諸一石信若天成

同聲贊嘆以爲

光緒戊戌

光緒戊戌

光緒戊戌

光緒戊戌

光緒戊戌

光緒戊戌

光緒戊戌

光緒戊戌

光緒戊戌

光緒戊戌

光緒戊戌

希有畢而供奉殿中作禮而退亦尚未之奇也是年夏旱不雨時疫流行醫者束手名揚車公等忽念石佛之出有異也因率眾而禱像前以祈福祐越三日而大雨如澍村落疫疾頓愈闔莊甯謐共卜有秋即隣村之聞而祀求者亦皆旋至而立應緣感靈庇胥加禮敬迨廟工畢而改顏爲石佛寺云

鎮海寺

在城西四十里

前志

法華寺

在城南九十里

同上

資聖寺

在城南八十里施家屯明成化六年僧

洪琇萬厯二十六年僧洪全相繼修葺

縣志

水月寺

在城九十里

前志

流佛寺

在興濟鎮北寺有古槐

縣志

龍華寺 在黃窪鎮明正德十六年建

慧堂菴 在杜林鎮明萬厯二十五年僧隆全建

國朝乾隆四十四年僧法旺重修

卧佛寺 在塔寺莊明正德四年嘉靖二十八年

國朝嘉慶二年先後修葺

清涼寺 在城南姚楊新莊明宏治十七年建嘉

靖二十五年崇禎八年

國朝乾隆三十九年俱重修

崇真宮 在廢興濟縣卽真武廟明宏治十一年

建

國朝同治五年改建文昌閣惟山門尙存

元帝廟 在流河鎮乾隆五十年重修

北極廟

在縣北柏家莊

俱同上

明余勁修北極真君廟碑記節錄青

縣舊有北極真君廟在邑白家口之北柏家莊之南衛河瀉其左官道互其右厥地夷曠雖密邇人境寂而不譁誠棲神乞靈之所也廟之興廢巔末無所考入國朝鄉民卽舊址縛房數椽以祀香火久之無大興復者宏治丁巳邑人韓宗素有清修苦行之志來尸是廟昏晨焚供惟謹人多重之一日乃謀新故物方以功大費繁爲念適大同周侯來令是邑宗白其事侯甚悅之遂鼓舞于土而宗亦振奮不怠一時義人富室翕然嚮風皆不求而薦貨不煩而獻功不募而助宗亦殫竭心力晝夜維於是乃除穢以其地積土以高其基選木於河輦石於山灰鍛貨於商商號易於陶百需既備宗始請命於侯而經營之大建祐聖殿三門其崇三十尺其廣五十尺其則殺度之半梁欂櫨

抱材軒敞莊偉突然如山且飾以金碧輝煌璀璨
光奪人目內則哀金鑄祐聖像而配以張薩二真
人俱高七尺左右則塑四帥及諸從衛以翼之粧
嚴極其美麗至於焚供之器皆以金爲之又鑄鉅
鑪千斤將懸以樓廟之四周繚以崇垣限以山門
凡屈息庖廂之屋皆以次而興但三官殿工已肇
而未合是役經始于戊午年十有一月積工數年
至癸亥五月方告成邑之義官王雄孫說輩謀于
衆曰是廟固造端于韓宗脫微賢司牧力贊之未
必其工之大就如是也不記諸石無以告後來乃
相率請文以爲記

眞武廟

在城東北

前志

順治三年重修

縣志

高

廟重修碑記節錄青縣城東舊有元帝廟法相巍
峨莊嚴宏麗供祀有典祈禱必孚歷歲攸長不無
摧落向聞邑中善士趙子創始鳩工加意修葺神
儀殿宇復還舊觀延及戊寅時當更代叠罹兵燹
廟宇同災丙戌夏日夙緣預植久廢將興幸遇天
津兵憲劉公祖諱武元者巡歷茲地便道經過切

見廟基荒涼荆埋瓦礫愴心慘目特布虔誠捐俸重修募諸當事速祈樂就寬斧風斤經營三月禪堂法殿前後畢舉遠近氓庶罔不駢集雲來歡呼奮勉不但頌我公祖之懿意亦且神帝力之顯赫矣余因父老載德之請敢附蒼黔之后敬勒蕪言用彰不朽其間董事掾吏馬世龍標下守備馬獻策竭誠督理樂善不倦因并識之

東嶽廟

一在縣署東南

前志

明嘉靖二十八年建

國朝順治七年重修

縣志

咸豐八年知縣曾貫之重修

一在城南明崇禎三年建

國朝乾隆四十八年重修

一在杜林鎮明隆慶

六年縣人張儒等修葺

國朝嘉慶四年僧演慧重修

俱同上

泰山行宮

一在縣署東北

前志

一在流河鎮乾

隆元年重建

縣志

碧霞元君祠

在長蘆曠明嘉靖二十八年建萬

曆三十七年重修

明李應魁重修泰山碧霞元君行祠記節錄廣陽渤海之區有

社名長蘆曠者嘉靖己酉時建祠宏濶壯麗前碑已爲具記矣值萬曆戊申秋洪濤漲湧無高原下隰俱被泊蕩行祠遂圯乃祠之住持尼僧慧安化緣鳩工遠近信士富者輸財貧者輸力迄己酉而造竣攄詞勒石以記重修之歲時云

國朝康熙二十三年增葺

同上

三聖祠

在東門南街

前志

五嶽廟

在新集鎮東渟沱河濱明萬曆三十七

年建

國朝康熙三十二年重修

縣志

三官廟

在東關

前志

玉帝廟

一在東門外

同上

一在雙莊窠

縣志

玉皇廟

在沿河鎮乾隆二十二年建

王母閣

在杜林鎮明崇禎八年劉尙用創建

國朝康熙五十一年僧道全乾隆五十八年僧法旺

俱重修

呂祖廟

在縣署東觀音寺西咸豐七年重修

盤古廟

在

舊在今廟東北明宏治十七

年崇禎九年俱重修

明馬政盤古廟碑記節錄盤古氏人祖也茫茫堪輿俯仰

無垠知者且寡誰其貌之青實故墟也在邑南十有五里故述可尋第恐莊列之言涉乎虛史傳之紀淪於妄爰考其實有廟在里有墓在溝突兀如昔自有國有家而卽有也皆青人之所見聞者知可射思乎某童而謁尙記陳容古貌精爽逼人土僧傳說楊僕等造建弘治劉侯視篆得陳景春首倡而一新之猶未備也訖周侯下車得孫景暉作倡而大新之易小以大易燧以石易塗泥而金鐵之使萬古不易之基亙古改觀視之而兩禱之而晴報應如響誰之績歟烏可無記以垂永久昭後來也

俱同上

三皇廟

在城東北

前志

藥王廟

一在三皇廟西

同上

姚思虞重修

扁鵲祠碑節錄先生鄭人

少爲社長授術長桑遺跡俞跗趙簡齊桓敬太子皆其視於無形嘘於旣燼功參造化機奪鬼神隨

俗易其刀圭難經演其宏奧岐伯以後先生一人而已先生化行垂惠轍環列土而維初孕靈于鄭故迄今祖業在焉互千萬禩顯明景燦達達著靈異于人間而降神之區滋甚青于鄭既唯是擊柝相聞先生之行鴻祐當與鄭同而蒸黎之景純庶亦不至與鄭異此閨宮飛羽安有明祇蓋報酬庶然非苟而已也舊記祠旁浮屠常聰爰建今距丁未且七十年餘矣得比邱眞亮募衆再新之先生似偏有緣于禪教者蓋聞東方有藥師琉璃光如來發大宏願拔除一切衆生病若先生或其現身是未可知祠祀先生于中央張仲景十人配列兩廡皆眞亮爲之夫青祀先生既以比里故似止宜以河間配食而別祀長桑于後楹明術所自出仲景以下可省也或曰先生功在天下萬世青不得私諸君皆大先生之道者其配食康熙五十五年可勿省並存之以俟達禮之君子

重修又光緒元年重修同上 一在興濟鎮明代建

廟後有古井泉甘而冽能療百病治眼尤效俗呼

聖井同

一在南太州村明萬歷二十五年僧淨

和等重修

明戴珮重修太州村藥王廟碑記文節錄夫茲地名南太州村東去縣四十里

南瞻大道西顧崇仙其間柳陰槐影桃東成林遠而望之悠然灑然脫塵出俗誠一方之勝境也昔先民擇地遂創建藥王廟於茲為殿僅一間四無垣牆廣然一野地耳近有本村胡姓者為青邑土住落溪衣縮名曰淨和住持茲廟司守香火厥其創設於小志欲恢廣之自萬歷丁酉歲與北太州會首諸語同一發心督眾鳩材程功戒事改創大殿三間繪塑神像前立山門中修神路左起鐘樓右列香台垣牆周匝煥然一新猗歟休哉真琳宮之傑構當創議之初善人吳元魁同族弟吳貞吉有願施窰燒磚瓦者有喜捨櫟木者有會眾人等喜捨香火者又有前劉詔子劉鈔善繼述迺父之志事於後而倡和之大眾濟濟欣然赴事不踰年而告成焉茲何以故也蓋王之靈威滿天下如水行地中何嘗匏繫於鄭而斯民慶王之華辰者無遠無近致誠致懇其香火之盛祀事之隆亦無少

異於馳驅瀛北鄭城間也吁亦美哉雖然非浮屠
胡氏之虔誠無以開劉詔輩之先非善人劉詔輩
之誠信亦無以成胡氏之美自此廟一擴廟貌與
日月爭光神功與天壤不敵矣故爲之記以誌歲
云

八郎廟 在城南四十里嘉慶十四年縣人戴雲

鵬募修

戴枏八郎廟碑記文節錄本草起神農素

問出黃帝醫之由來尙已而世之立廟或
醫者僉曰藥王王之號或指春秋時盧扁或
指唐時孫真人思邈與韋慈藏訖無定論其配
則漢之倉公淳于意長沙太守張仲景機漢末華
陀西晉之皇甫士安謚王叔和東晉之抱樸子葛
洪至於雷公敷不紀代若劉河間先生完素守
真則金人焉又益以元之李東垣先生果朱丹溪
先生震亨明之龔雲林廷賢凡十餘人如十哲之
配食孔子然究亦無定論也劉太守眞河間人故
世稱劉河間西距青邑僅百里青故屬河間雍正
九年始分屬天津青之南四十里戴家莊後東至

黑龍港北岸舊有八郎堂廟乃劉守眞故祠呼八郎者同鄉人語從質也其興建不知始自何時原公之生少聰敏博學自號通元處士嘗遇異人飲以酒大醉寤迷洞達醫術撰運氣要旨論精要玄明論素問玄機原病式諸書今皆失傳矣此祠較他處爲最古年久傾圯神像率蔽以席余嫡堂伯父文庠諱雲鵬字騰霄者少讀書廟中每心許修之而未果也嘉慶己巳伯父授經於此廟齒已七十五歲矣忽感肝蟹之異恍然似大悟遂放館徒步走募四方不期月而工成咸豐二年余弟名彬者又偕鄉人重葺之

神沙廟 在鮑家嘴東岸河內有暗沙一片舟行

至此遇淺祈禱輒應

縣志

科神廟 在 道光元年知縣司馬 重修

同上

靜海縣

白衣菴 在北關外僧心廣重募建前志

地藏菴 在縣署東南

觀音寺 在城北有僧會司明宏治四年僧會洪

理建

華藏菴 在北門外僧彌岫募修俱同上

大佛寺 在城南縣志

清涼寺 在城東前志

華嚴寺 在城東齊家莊縣志

洪陽寺 在城東南大屯

子孫娘娘廟 在城內東街俱同上

玉皇閣

在北門前志

隆善寺

在城東北出龍河

龍灣寺

在城東南

雍熙寺

雪堂寺

三官廟

一在縣南街 一在北門外

三皇閣

在南門俱同上 同治九年縣人張模重修

縣志

藥王廟

在縣東街咸豐三年遭寇毀同上

東嶽廟

前志

眞武廟

同上

滄州

集善寺

在州署西北

前志

明成化中內官監少監

高嵩建有敕賜扁額以寺屬北京僧錄司

明張駿

善寺記節錄佛之教覺而已矣聖人扶植之而不忍廢焉者庸非導民爲善使之覺其所未覺乎集善寺則今內官監少監高公嵩請以寺額者也寺在河間府滄州城內之西北隅其地平曠層巒盤踞遠水迴帶苑有嘉禾秀草沃壤平疇而居廬鱗次行軒羽集素號奇勝之區舊剝毀於兵燹鞠爲邱墟久矣于時太子少保兵部尚書馬公昂倡率善士張福暨住持圓恕等協力募緣築菴以居數年適高公之兄子錦衣千戶源嘗奉使過其境而悅之歸以告公懇爲鼎新之舉公念父母之邦卽慨然捐金繒購木石鳩工役而爲之好善者翕然爲助踰年而寺成太子少保禮部尚書鄒公幹復

具題奉敕賜爲集善寺其以圓恕領檄主之夙夜
夾香祝延上壽而歲時有僧習賀儀於其間煥然
規模奕然氣象殿堂門廡之弘麗鐘鼓庖湏之精
完非復苦空寂寞於荒榛灌莽中矣公聞而喜溢
貽子書請記其事予惟高公與嘉靖十年重修明
善之心如此子言其可以斯乎
堯重建集善寺記節錄滄城西北隅舊有集善寺
爲我朝敕建歲久且圯山西檀越曹鸞王宇輩誓
發弘願捐金葺修屬僧淨澄董治厥事中爲圓覺
殿前爲重簷殿又前爲天王殿左右爲伽藍祖師
二殿及鐘鼓樓繚以重垣瑩以方璧色相莊嚴種
種奇妙四方人士來游來觀者皆大歡喜頂禮而
退爲乃詣余爲文勒
之穹碑以告成事

國朝康熙間傾圯四十八年僧師立募修大殿天王

殿五十一年僧祖祥師洪募修後殿及東西迦藍

殿州志

地藏廟 在州署東北明代建前志萬曆中州人孫

日選等重建

國朝康熙三十八年僧緒恆重修州志

達摩堂 在北門前志

國朝建州志

觀音堂 一在城西北隅明建今圯前志一在鹽

廠北 一在五帝廟 一在八蜡神廟後 一在

南門河岸 一在南門關內俱同上 一在書院舊

址

國朝建州志 一在張官屯明萬曆四十八年建同上 一

在倪官屯明代建

州志稿

觀音寺 一在風化店唐天寶元年建明成化年

重修

國朝康熙四十年姚國瑞重募建

常明重建觀音寺記節錄天津南隅

風化店實踞滄州之東唐天寶元年建有觀音寺地址四圍約四十餘畝足稱一方偉觀世遠年湮遂成廢壤明成化間有朱福名者醫產傾家作興善類規模煥然一新其名垂丹石宜哉亦越於今百五十餘年基址雖存氣象非故往來觀者不勝今昔之感嘗歎接踵無人何意吾滄生茲善人姓姚名國瑞法名成靜混跡薪市陶情醉鄉本來不昧神明隆鑒感護法入夢卽毅然以古人自命離妻子而不顧冒寒暑而不恤誠能動物善信雲集爰是大興土木以次修建肇康熙庚辰逮丁亥凡歷八載告厥成功傑然福名再作而艱苦似尤過之豈可使金字不傳銀書未勒也用誌不朽云

乾隆三十八年道光二十五年咸豐二年均重修

一在龐村元代建 一在鄭官屯明代建

一在李村鎮明宏治十二年重修

俱同上 明周輅重修觀音寺

碑記節錄古滄東北有地名曰李村鎮去州治二舍餘泉甘而土沃人傑而地靈其間有梵刹一區額匾觀音考其時興創於國初厯歲久遠乏僧住持風雨損壞甃瓦彫零而且佛像剝落不足以聳人之觀瞻蓋由其數有廢興之機存焉迨今厯歲將興適有僧曰安興者自幼舍身祝髮戒行端莊清心寡慾每以古僧得道者自期誠爲僧中之翹楚者焉住持是寺一盡僧道遵五戒而皈禮三乘不敢怠荒一旦遽歎曰殿堂傾圯佛像剝落如是我何能逃因循苟且之責乎今欲以修建爲已任未擬檀那肯隨所願否俟有州人劉宗劉本兄弟發心向善捨地一十五畝以資常住之供續有里人鄭從寬鄭禮王舉來與謀曰卽今大雄殿伽藍祖師二室頽敗風雨不足觀瞻可修理乎於是漸

次提化修建觀舊規稍加至弘治四年重增修飾
暨天王殿佛像以銅鑄之傍塑羅漢此皆由善信
劉山鄭愷鄭驚王嵩之力為多也去後觀音閣未
修今已修之伽藍祖師二室未葺亦已修之又以
銅鑄大悲觀音妙相計所費不下數千百緡此亦
由善信王雄馮敏張倫暨僧海亮清玄功為大也
是寺創始於正統年間垂五十載至今弘治乙
未而落其成予因庠士于賢等請文是為記

一在上河涯莊明正德十五年重修州志稿補明祝祥重修觀

音寺記節錄集事縣景泰間有僧

悟明者因舊址建立觀音寺有成效焉歲久傾圮

無以稱瞻依之意歲庚辰僧本寬一旦奮曰

人作之吾獨不能繼之耶乃請諸鄉人劉鑑等共

成斯舉眾皆曰諾起於春二月癸卯訖於秋七月

戊申凡殿宇山門鐘鼓方丈與

天齊廟牆垣悉一新之其像飾以金碧如日星金

剛伽藍祖師法像亦粉飾之煥然非舊觀功成本

寬與徒真成真真實介其親省祭官一在後王

張君魁徵文將勒石為碑以垂不朽

官屯磨李莊又名廣涼寺明嘉靖三十六年建

州志

稿補明劉九章觀音堂碑記節錄慈惠鄉磨李村善人孫學等卜地肇築一堂名曰觀音者厥材孔良儀設尊崇采繪絢如殿堂輝煌僧禪有舍周以垣牆匪儉匪奢是宜是稱主之以德行僧人佛順夙夜課經供祀香火祝延聖壽保康善眾且堂之形勝實當其要衝東極乍龍堂西邇七里淀南顧大梁店北鎮古滄州落成於正德三年歲次戊辰五月十一日也時維嘉靖三十六年歲次丁巳季春吉日莊居善人劉玄等偕同儕少長咸集於堂肅然瞻歎曰有堂無紀則歲久易湮其何以爲安神揭處之所乎捐資募工聿樹豐碑重益以山門以昭觀音之靈刻諸善人姓氏著於石用垂不朽迺謀及封君古州李學一在楊龍堂明萬厯間丐余文余直書以記之

建

國朝乾隆五十八年楊國梁重修光緒二年楊慶棠

慶榮等重修

州志稿

開元寺

在舊州城內有北魏時造像題字又有

鐵獅相傳周世宗時有罪人鑄以贖罪今寺廢獅

亦殘缺

題字及鐵獅並詳金石

迎春寺

在城東三里

前明代建志

國朝重修

州志

清真寺

一在南門清真巷

前明代建志

國朝重修

州志

一在城內東南隅

前志

水月寺

在城西南觀燈橋東周廣順中建明宣

德十年僧澤安移建城北鹽廠東偏正統中建千

佛閣嘉靖中僧明懷募金鑄大佛三尊高丈八尺

明李舜臣水月寺記節錄今有善體佛教而化人無窮者其明懷乎俗姓許氏山東青州益都人也髫年卽有志出家服緇執禮剃度受戒旣長精禪教通三昧得心印傳當經歷四方以普導化晚至滄之水月寺著重修功然猶以爲不足以倡世而化俗也乃募求良賈王宇等得衆貲以爲匠材費遂命工範金鑄彌陀尊佛高丈八尺廣三尺巍然中立傍峙觀音勢至二大士侍左右又圍繞塑羅漢五百及樓臺雲霧山水花鳥之狀七寶嚴飾五彩彰施爛爛煌煌居大閣之下儼然西方境界而佛之功德成矣而所以得成此者則蒲州王宇澤州段森三原焦世傑臨汾張汝誨大同張完翼城陳策續縉宋國文陝西王德良等無吝重貲相資之力也卽是而觀倡之者明懷也協而助之者數子也不有倡之孰開其事不有助之孰成其功明懷真善體如來之意以立教數子其深威如來之教而有得焉者也是均不可泯焉故記之以勒諸石

明陳堯水月寺記節錄滄州城北二里許有

水月寺寺舊有閣負陰抱陽高爽鉅麗正統間僧澤安所建厯歲滋久厥制未備嘉靖間有僧明懷來自齊中周覽旁睨慨然歎曰美哉閣乎顧吾力能成之乃募金於諸賈人中爲大佛者一左右爲觀音大士者二爲羅漢者五百其上方爲浮屠諸像變化靈異雜出經典金碧之工熒熒煌煌蔚爲奇觀入室者若登三天臨五臺迢遙乎法華清淨之場與空王梵侶相周旋焉猗嗟盛哉明懷詣余曰閣成矣願有記故爲記之閣工肇於嘉靖甲辰春正月訖於庚戌秋八月若王宇段森張汝文巴恕陳策張完王廷錫孫世鸞輩皆預有勞者得附書云

國朝康熙五十八年僧輝一重修雍正四年七年屢

修

州志

乾隆五十四年州人宋成文等重修寺內十

方院

州志稿

封禪寺

在城內周廣順三年張藏英來歸太祖

令館於封禪寺卽此前志

清涼寺 一在東龐村金代建同明正德八年重

修州志 一在科牛明代建前志

國朝光緒八年重修州志 一在劉家廟州志明代建

州志 稿

聖佛寺 一在南良唐代建明景泰中重修前志

一在勝付州志

彌陀寺 一在東宋村元代建前志 一在張官屯

明萬曆十九年建

國朝康熙五十三年重修州志

王昌寺

在張館店元代建

前志

崇興寺

一在南程店元代建

一在新縣鎮明

代建

普恩寺

在同店元代建

興國寺

在七里淀明代建

俱同上

國朝雍正七年移建孫佛家莊呂德延重修

州志

廣興寺

在磚河驛東明代建

前志

國朝乾隆十三年重修

州志

留佛寺

在小留店明代建

前志

流佛寺

一在流佛寺莊元至正二十七年建明

嘉靖十七年重修

同上

一在孫清屯

州志稿

會福寺

在雲河隄明代建

前志

望海寺

一在留信莊明代建

同上

一在耿家莊

唐天寶九年建

國朝乾隆七年取自全重修

州志

龍泉寺

在北子來屯明代建

前志

廣涼寺

在王官屯魔李莊

南王寺

在慈惠鄉明代建

密雲寺

在舊州城宋元豐五年建明成化二十

年萬厯四年均重修

俱同上

明劉環重修密雲寺記古渤海南門裏迤西有

密雲禪寺初始於元豐五載後不一我

皇明成化歲甲辰時僧普清復重建之迄今

百餘年來日久傾為瓦礫及之南宗順

禪師為住持深以象教塵垢祝釐無處為慮始焉

淬補以疏募得鄉耆樂施數

公并諸會善人聚皆置材鳩工更建先

次第鼎新終乃竭力於釋迦正刹焉

工肇於萬厯丙子至歲年

間莊嚴妙像煥然一新而鐘聲佛號昭化遠近矣

嗚呼佛道見哉蓋支整叢林

必待主僧剛果故此拓自昔廢墜以來

繁重多畏難苟安耳而南宗之獨克

若是者有志竟成力印勝

廣西振而慧燈有賴者其與焉鳴起獎百丈振衰

舉也鉢底者眾胥繼往

開來也合紀歲月以昭後云皆萬厯丙戌十月王

戌朔越二十

八日立石

龍駒寺 在舊州城明代建前志

永明寺 在崔家莊明代建

國朝楊緒等重修

圓光寺 在王寺明代建

華嚴菴

在城北五里河上明代建

俱同上
盧廷選重修

華嚴菴記華嚴菴者滄治迤邐北之墟震旦國中之
勝勢連原薄迹隔喧囂南則百雉紆徐象舍那之
醍醐山頂西則長河縈帶類波斯之僧伽水濱林
阜野曠若際人天物外烟雲非復塵境肇自徐屯
戶侯捐拾細門結菴河上有里人李啟正王叢威
靈五臺潔誠三寶設立社會普施茶漿踵接肩摩
憩蔭慈雲之宇煩襟渴吻沾濡法雨之涼迄踰八
載蒐集社資厥有蘆商席官捐資首倡而徐元李
朝先夏志道王成戶張希孟班祿徐百戶徐河徐
水石敬塘等贊助後先鳩金若干買徐豹地八分
徐仁草舍三間棗園一段棗數十株地有招提之
區樹滿多羅之種鄉縉度支戴公夙廣檀越之緣

大發給孤之願通議謂地形蜿蜒向背非便請捐
臨河膏腴互易所市園舍以成衆善之公且示周
行之利善信權悅相度經營築土架木權安普賢
金像其中敦請定州僧如湖鉢錫東土香火住持
時歲癸巳孟春月也僧如湖睹前工因陋宏剎未
興風冷禪堂那覓丹青寶界烟銷香積誰知金碧
蓮臺益發弘願募告十方葺治藁林薄崇聖教乃
席官與郝應時等各著精虔助成工費支提偉麗
法像莊嚴標功
顯德紀蹟勒珉

華嚴寺

在河西許官屯

州志

千佛菴

在銀子窪明州人呂世祥建

前志

毘羅菴

在廠門北明代建

化身菴

在南門外明代建

菩提菴

在戴家衚衕俱同上

明代建

國朝州人戴明說重修

州志

接引菴 在察院東

前志

國朝建

州志

西方菴 在西門內

前志

國朝建

州志

西方寺 在南陳屯

同上

石竹菴 在南門河岸

前志

國朝建

州志

開化寺 一在豐潤唐代建 一在舊縣明代建

永安寺 一在姜官屯唐代建 一在河西明代建

化中建

國朝重修

吉祥寺

一在孟村

俱同上

一在畢孟鋪唐天寶

元年建明宏治十三年重修

州志稿按舊州志云吉祥寺在南良唐

建明景泰中重修咸豐志稿謂南良並無此寺而畢孟之唐吉祥寺志反不載蓋誤以畢孟作南良也

羅漢寺

在卜家寨唐代建

明正德三年重修

州志

法華寺

在河西白家口俗呼棗市廟道光二十

七年重修

馬國寺 在河西

慧光寺 在磚河

土山寺 在順民屯

石佛寺 一在六撥俱同上有彌勒石佛一尊佛座鐫字

詳金石 一在何官屯州志宋端拱元年建明萬曆三

十二年重修明強四勿重修石佛寺碑記節錄茲

之百戶邑即古渤海地也其民敦龐其士閒雅其

熏德而善良者蒸蒸然稱仁里焉屯之東北隅有

佛寺蓋永樂年中居人掘地得石佛因之而建所

由名也其後續葺於嘉靖之甲申迄今歷年既久

繕修弗繼漸入於敝即有人動革故鼎新之念第

憚於更事終亦因循廢閣耳有屯之劉君自幼受

佛戒屯之徐氏亦以詩禮雅慕佛教兩人相得甚

懽也一日劉謂徐曰君不見夫補漏者乎矧茲殿

閣傾頽廊宇圯壞松桷朽腐簷額飄落神幾無依
矣詎非吾黨之闕典乎爲之奈何徐君肅然進曰
君之捐金修橋施藥陰陽無窮已復有此舉甚盛
德哉余不敏願共任之於是二君日夕圖謀復懇
本屯諸親友計工程課歲月不憚勤劬歷十年所
得金若干迺鳩工聚材爰舉其事工既竣諸君屬
余作且勒之石劉君諱甯徐君諱祉二君經營之
力居多故特書之他如同會諸君皆有功於贊成
者也併書於後作記者誰渤海強生也強生諱四
勿字參卓號心齋爲滄之詩書世家云大明萬曆
三十二年三月朔日記有石龕造像題字詳金石

聖果寺 在九撥

州志

慧龍寺 在大七撥

寶林寺 在張官屯

聖泉寺 在倪官屯

吉慶寺 在高河

榮興寺 在新縣

勝福寺 在鄧家屯

海會寺 在賈家莊

白衣廟 一在磚河鋪順民屯南舊傳唐宋時建

明萬厯三十五年重修俱同上

國朝道光時又重修州志稿一在棗園莊舊傳元代建

同上

五龍朝見觀音廟 在白兔莊州志稿有明王玉重建五龍朝見觀

音廟記文漫滅不能錄

崇因寺 在乍龍堂宋建隆年建明嘉靖四十一

年重修

州志稿 戴才崇因寺記節錄古滄州之東十五里乍龍堂鎮之西南有寺曰崇因

四民皆謂唐時建未見遺蹟不足信焉後獲古記載之乃宋建隆間建者也

禪廣寺 在磚河西岸明正德七年建今顏尙有

銅佛一尊坐像高五尺餘

州志稿

慈雲寺 在田家莊明代建

國朝嘉慶二年光緒十一年重修

鐵瓦寺 在望海臺東明代建上蓋鐵瓦故名

國朝道光五年重修

俱同上

昊天觀 在南門一名永保觀

前明萬厯間以運志

學改建

州志

玉皇廟

在棗園莊西南隅明代建

同上

玉虛觀

在北門外明州人呂傑建

前志

通明宮

在北門外明知州盧廷選建

泰山行宮

一在北門明代建 一在東門內

一在西門

一在南門內俱同明代建

州志

一在

南門外

前志明代建

州志

天齊廟

在城內東南隅元代建

前志

國朝道光十八年僧海林募修

州志稿

眞武廟

在南門河上明州人劉燾建

前志

一在

舊州城

北明公治閒重建

明陳軌舊滄州真武廟碑記節錄惟古滄昔時

雖有廟

祀奈歷年既久基址荒廢無有存者是時

富碩之家

不惟不多孰肯留心於作廟者耶惟本

州將相

鄉二龐姓名通者平尚義樂善好施

昔年歲歉

既推有餘以濟貧乏有司以名聞朝廷

給與宣義

冠帶之榮在他人以爲足矣龐公不然

其設心以爲

此方古之名都廟堂不建則無以竭

虔祀神以來

四方觀仰於是發心已貨財於北

城之隅築其

基址建立維新可謂樂善者矣工始

於宏治十二

年四月成於宏治十六年七月又增

建殿門牆垣

並置旁室以居黃冠嚙備矣王公鐸

具其興工竣

事之本末求文刻石以垂久遠余謂

有其誠則有

其神無其誠則無其神龐公盡誠之

至蒙神之庶

豈有既乎於是書一在新縣鎮康

以誌歲月正

德元年孟冬記

熙四十一年

重建蕭蓼新縣鎮重建真武廟一

在城西北明代建

州志

一在磚河鎮明崇禎十

七年建

國朝同治十三年重修

同上

三官廟

一在州署東狼臺明代建

前志

一在西

門明州人劉繼建

一在東門

一在南門河岸

明代建

俱同上

一在城東曹家莊東南隅明泰昌

元年建

國朝康熙六十年重修嘉慶間又修光緒十年又重

修

州志稿

一在七里淀明宏治年建

一在城東

南九十五里劉家莊明正德年建萬曆三十一年

重修今圯

一在捷第莊明嘉靖二十五年建

國朝同治九年重修 一在城南八里果官屯明代

建俱同上

財神廟 一在南門河岸明代建 一在張仙閣

旁前志明代建州志

王母廟 在天門書院舊址前志

國朝建州志

呂祖祠 在南門明代建前志

三清閣 在北門外通明宮後同上

國朝建州志

張仙閣 在西門明代建前志

國朝州人于耀斗等重修

州志

城頭將軍廟 在州東北乾符故城魏書地形志

平舒有城頭神寢宇記乾符縣有城頭將軍廟

州志

稿

會應神廟 在舊州宋咸平中建金正隆元年重

建

州志稿補金夏會重修
會應神廟記詳金石

中唐廟 在州境東北一百四十里沙井莊正北

蘆窪中廟已頽遺蹟尙存旁有殘碑文模糊不辨

相傳唐太宗征高麗尉遲敬德建

州志稿

古廟 在虎皮馬莊不知何代建

國朝康熙三十一年州人馬生良等重修州志碑

州府鄒縣事黃得煊撰文未詳

迎祥觀 在舊州宋崇甯二年建州志稿

南閣 在南門前志明代建州志

北閣 在北門前志

國朝建州志

五帝廟 在南城角外前志明隆慶四年建萬厯中

鹽運使張雲翼重修州志明張雲翼重修五帝

區在城之坤隅第廟建既久日月風雨棟宇傾圯神棲於敗簷頽壁之下子每過之輒用惻然况予生長堯舜之鄉深沐五帝之澤忍不修廟貌為燕民崇德報功計乎詩曰新廟奕奕萬民斯若其此

之謂乎因捐俸金爲倡運同李君時茂運判李君一驥暨屬員經歷何京知事張企之勳成之蓋寓沒世不忘之意非實也五綱尙義之商王良佩夏德久王國輔李存德郭宗孟等亦羣焉助之遂撤故材崇以廣楹開以大門線以周垣甃以石甃白堊丹雘視昔加麗廟貌既嚴肅乎如在凡厥生民莫不起敬匪直當時踐土食毛之民慰尊親之念而已殿後又爲禪堂三間佐以耳室以居僧之司香火者俾其永永勿替嗚呼是廟也創造於隆慶庚午頽廢歲久而重修于今日帝澤之在人心誠不泯哉是工肇萬厯丙辰訖丁巳吏邢教民實任其勞不負予委例得附書是爲記

藥王廟 一在州署東狼臺明初建萬厯中鹽運

使張雲翼重修

前志 明張雲翼重修靈佑觀記長蘆雄司西濱衛河去滄州四十

里國初爲鎮永樂間徙滄州于此始城焉入東園池遲少北肩臺臨起廟貌參差詢之父老相傳爲古幽燕成州舉狼烟之所前大中丞王公建藥王諸神廟于上奕世以來每著靈異已而內子恙諸

醫縮手一夕夢一人冕旒飲以刀圭詰朝如脫余
曰此藥王之神也亟謁謝之見其坵垣歆壁中唐
久圯憮然有更新意適僧如禧持疏長跼懇募重
修余因捐俸金若干緡鄉紳士夫以及蘆賈共施
捨若干緡謀于王公孫憲副公兼委批驗所大使
王三省董其事會滄歲饑民欣然以工就食不數
月而光緒十三年樂字營管帶梅東益城守尉德
事竣

明重修

州志

一在舊城東門狼臺

前志

一在城

北五里

同上

一在長蘆鎮明嘉靖間重修

明劉燕重修

花廟記長蘆鎮名其來久矣襟帶衛水河岸之東
卽滄城也河之西岸治屬青縣舊有神祠一所內
塑名醫劉公神像公名守真燕人也寓於河間以
藥濟世活人甚多是以沒世不忘人崇祀之東有
側室三間塑送生痘疹二神亦舊址也遐邇有疾
病及乏嗣者祈禱輒應歲時伏臘鄉人祭告者往
來如蟻每插花載紙雖風雨寒暑亦罔恤也其靈
驗人難以札記俗呼爲插花廟創始之由無所考

徵獨住持收執文券一紙內開成化十三年民人劉士能地四畝賣與尼僧圓靜為業先建廟後置地也雖隨時修葺皆靜與其弟子洪福獨任其勞歷歲既久神像漸朽棟宇傾頽福之徒悟清自幼剃度磊落聰慧通曉經懺恪守清規常閉門坐關平日足不履闕晝夜誦經咒檀那咸敬重之每聞童牧餉婦相告語者謂送生痘疹二神坐東向西使劉公神居未安清對神誓告願改修之人或謂其功大難成宜仍舊貫清曰惟患志弗堅心弗誠耳心堅可以穿石况工役乎遂虔誠禱神默相徧告眾善人皆樂從卜日興工遠近雲集于是撤其舊而新之改其側而正之繚以垣墉洞開二門人各異路新其舊者中間仍塑劉公之像東西二間添塑孫衛二公改其正中間塑泰山碧霞元君東西二間仍塑送生痘疹兩旁又益以眼光水母五位共祀一室之中金碧輝煌見者起敬清又慮久而湮沒無所考徵以其羨餘伐石立碑托市耆莊浦郭域民孫禮劉仲春詣予請言以勒之石用垂不朽予嘉其樂善之心遂為記之其工起于嘉靖乙丑之春落成于萬歷癸酉之秋凡善士菴尼

悉鐫名于後云萬厯元年
歲次癸酉中秋吉旦立

魯班廟 在南門河岸前志

國朝建州志

蕭曹廟 在南門河岸明代建

國朝乾隆初改建於州署內東偏同上

竈君廟 在北門前志

國朝建州志

浙江鄉祠 在小南門關帝廟後明代建同上

南皮縣

興化寺 在縣署東北明天順五年建前志明
王瓚碑記

節錄南皮故有寺曰興化國初肇立僧會司舊址在邑之東門通衢市肆繚繞修齋誦經弗之使天順五年僧會覺靈作而歎曰吾之教以明心見性爲本吾之徒以清寂苦空爲宗出俗而未離乎俗非居之善也邑之東北隅幽僻寥廓無喧阗塵囂之雜碧水環帶左右望之可以洗煩襟爰徙而居之不數年殿廡山門方丈之屬粗已完具佛像羅漢塑繪於中者亦大都可觀成化十五年有僧定仙者持戒慧軌行峻潔精於其道繼僧會職蒞事以來卽以恢拓沙門爲已任捐財鳩工敝者修之缺者補之赤者白之漫漶不飾者新之殿宇金容煥然改觀時有弟性忠悟增輩前後協襄厥事又得備定仙之所未備復有義官湯澄出帑續創大悲閣於殿之後甫十年而成於是斯寺之勝甲於滄州登慈航而望彼岸者咸嘖嘖稱賞焉

金鈴寺 在西門外

重興寺 在北街西

觀音寺

在城東十里

俱同上 明高瑞麟重修觀音堂碑記節錄觀音堂

之建昉於洪武重修於宏治甲寅至嘉靖丙午傾圯已甚有善士姚鑑先叔仲文等各捐資鳩工偕住持師徒德玉德金圓通圓淨增隘易陋復鼎新之乙丑歲始底績月軒弟仲文之子也請余記其顛末

塔馬寺

在城東十五里

前志

菩薩寺

在城東四十里

焦山寺

在壘城村

俱同上

有七級浮圖

縣志

龍泉寺

在東龍堂

前志

興教寺

去城十五里

同上

潞灌寺

去城六十里在潞灌鎮西唐開元四年

建明嘉靖二十年重修原名長安寺縣志建明湯

寺碑記節錄距南皮縣東南屬鎮潞灌之左寺曰長安唐開元四年僧道湛所創迨今千餘年不知廢於何代我朝永樂二十年巨室潘敏耕得石誌視之曰古蹟也烏可廢因捨田園五十畝以充僧食諸豪富輦木植磚瓦助之無何而大雄殿東西伽藍天王鐘鼓樓臺以次完具前建山門後環方丈兩廊僧舍齋室茶堂庫不森列復繚以垣牆樹以林木望之規模宏敞風景秀麗偉然大觀也工既竣鄉耆崔義來徵予文立石紀其顛末嘉靖三十四年泐石知縣李筵監立高瑞麟書丹

天佛寺 在尖塚莊縣志

興和寺 在董村鎮前志明王用重修興和寺

董村有寺曰興和歲久年湮寺宇無存僧人本陽與師悟聰謀曰建寺塑佛僧之責也爰發誠心節食跣足徧歷鄉村募緣布施雖祁寒盛暑不易其心鄉人感化富者舍地施財貧者出力資工巧者

翰技竭能經始於成化八年九月己未本陽又謂
寺既建矣不可無以示久遠礮石樹碑請予記之
茲寺也開山修造者本陽本明也助緣者文寬住
持眞保地主張玘張鑑施主領袖者義官孔鐸老
人郭剛也天王殿金剛殿地主張榮張貴張弼張
四張五張智併書之以示不磨云成化二十一年
五月端陽立

興龍寺 在黑龍村寺有藏經前志

刁公樓寺 去城七十里

高家寺 在霍開寨

黃家寺 在城東南六十里

永慶寺 在砥橋鎮

馬煦寺 在城東南五十里

龍門寺

在城東五十里

俱同上

道光閒朱淑珊募

修

縣志

鐵佛寺

在城東南五十里

前志

鐘煦寺

在城南六十里

金博寺

在泊頭鎮

俱同上

明失名重修金博寺碑記節錄泊頭鎮距縣治

西十八里水陸要衝滄瀛一都會也舊有金博梵宇不知於何代歲久傾頽僧人福金力任修葺之白於邑侯李公公曰可蓋以搢紳往來無所憩息梵宇內舊有官廨節此以為駐節之地於是拓其舊址而擴大之鳩工於庚午歲落成次年之秋於是僧人謁余以勒銘

雪山寺

在城西北二十里

前志

彌陀寺

在三十五里鋪

同上

石佛寺

在城東北十八里

縣志

東石佛寺

在城北三十五里

前志

西石佛寺

在城北十里

白塔寺

在東北二十五里

拾女寺

在城北三十里

圓覺寺

在城東二十里

白衣菴

在東門北

俱同上

大慈閣

在城內東北隅明萬厯三十年重建

明徐

升階碑記節錄南邑東北隅舊有大悲閣堪輿家以爲風氣所萃一邑賴之故當其時人文鵲起科第蟬聯戶口蕃息閭井殷富猶可想見其盛歲久而圯邑人謀重構之弗果邑侯李公正華於壬寅

歲興心重建甫三閱月而竹苞松茂峻閣重基巍然告成公樂其成嘉其慰吾士民之願望也顏其臺曰靈臺志臺之始且志速也又謂皮人久悲閣之無存而慈以使眾者之不難於興復為愉快也更名其閣曰大慈遺愛百姓將於閣乎是寄焉其意念深遠矣歲久頽壞康熙十一年張福蘊等重修

縣志

悟明祖師祠堂 在丈二橋明萬厯年建

國朝雍正七年乾隆二十年嘉慶二年俱重修

張奎震重

建悟明祖師祠堂碑記節錄余居之莊曰丈二橋其東南有悟明祖師祠堂自明萬厯年間創建至國朝雍正七年間重修之乾隆二十年再修後五十五年秋住持僧賢泰以廟貌頽落與其師來請修北堂乞為募疏因歲歉事未果舉余遵先大人遺命於嘉慶二年春經理工程會首牟中元湯儀等相與督率不以為勞吳雲會張可理等樂於奔走不憚其苦遂於是年秋告竣乃沐手援筆為之記

至祖師生平始末與得道之由來道法之顯揚足以信人心而扶世教者創建碑文已詳之茲不復道也

玉皇廟

一在社稷壇東

前志

一在釣魚臺東

東嶽廟

在南門內

泰山行宮

在火神廟東

真武廟

在北門內

三官廟

在神祇壇後

藥王廟

在關帝廟東

俱同上

張昕重修藥王廟碑記節錄邑東有藥王

廟建自前明隆慶二年殿三楹南向繚以周垣堂階戶圯規模畢具其後再修再圯日就阨靡祀事缺如邑人士以為憾咸集廟庭舉事者數人謀同議協釀錢鳩工梁桷之撓折者易之垣墉之傾圯

者新之補其缺起其廢制不改闢而煥然更始

劉守真祠 在西門外明崇禎中移建北街後又

移建興化寺西

前志

三皇廟 在

萬歷四十七年重修

明失名三皇廟

碑記節錄萬歷戊午秋皮邑城南五龍鄉邑增廣生吳公閻然偶因夢兆恍若三皇面質其旁及醒而獲然若有失也因觸而為修廟舉越己未春鳩材匠工竭力營作病體因以漸愈一方人士莫不神其感應捐資來助嗚呼神人之道有通必先噫嘻奇哉迨季秋厥功告竣即行報賽復勒石以垂不朽

鹽山縣

地藏廟

在東門外偏南

前志

觀音廟 一在舊街東順治六年建 一在大南門外街西康熙二年建

觀音寺 一在城北常郭鎮 一在城東北羊爾

莊

俱同上

福泉寺 在大南門內偏東舊在小南門外與龍

王廟相比明洪武間建寺前有井水甚甘故名宏

治十年移建今地

國朝康熙八年重修

縣志

金鐘寺 在城南明正統五年建

前志

崇善寺 在城東北游村明天順四年建

大悲寺 在城南張村店明洪武三年建

彌陀寺 在城東南齊周務明洪武九年建

華嚴寺 一在城東北韓村鎮明正統五年建

一在城東馬村順治五年建

崇甯寺 在城東北邊家務明天順五年建

石佛寺 一在城東北摩訶村明洪武六年建

一在城東北賈象鎮明萬厯間建

高雲寺 在城西南帽架園明天順六年建

白佛寺 在城東北褚村明正統五年建

牛留寺 在城東南金大定間建

接引寺

在城北塞里順治七年建

俱同上

開化寺

在舊縣鎮東街路北明正統七年建宏

治十六年僧誠宣重修

縣志

望海寺

在舊城鎮東

水月寺

在城南韓家集康熙四年胡預重修

白衣廟

一在城內西北 一在城隍廟左

鐵瓦廟

在賈金莊脊瓦皆鐵

國初建

俱同上

摩利支天閣

在城東北二里順治八年建

前志

玉皇廟

一在小南門內街西順治十四年建

同上

一在城東八里縣志 一在羊爾莊同上

眞武廟 一在北城拱辰臺上明萬厯間建前志後

移城下久圯縣志 一在南門外偏北前志

呂祖廟 在城西北五里縣志

碧霞元君祠 一在百尺杆村前土阜上 一在

羊爾莊正東道光二十年重修俱同上

三皇廟 在西門外偏南距城里許前志

紫王廟 在東門外劉家莊前同上

魯班祠 在福泉寺內西偏縣志

慶雲縣

白衣閣

在縣治東

縣志

白衣菴

在西門外

前志

觀音閣

在二郎廟前

觀音菴

在黃邱

天宮寺

在縣署西南唐太和閒建

俱同上

元至大

四年重建

元商挺重修天宮寺碑文詳金石

明成化四年

國朝乾隆四十五年俱重修今圯改建五楹僅蔽佛

像

縣志

石佛寺

在城南二十五里紀王橋北

前志

海安寺

在城南四十里管家莊西有石佛像二

縣志北齊天保八年建前志明楊巍重修德安寺碑記節錄陽信有孫竟泉者

吾友也與其弟小園皆尚佛氏一日小園偕德安

寺僧悟通過吾桃花嶺小園謂悟通所住寺乃齊

武平年中建有白石佛二尊今增塑十六羅漢像

又新其殿宇助其功者幾百家聞公善人也求一

言記之吾問其事在慶雲陽信兩境之間悟通武

定州人俗姓李氏能解華嚴法華二經知韻學萬

厯四年八月吉旦立石俞宗濂按此寺亦名玉

佛寺舊通志云玉佛寺在慶雲縣內有玉彌勒二

像法相莊嚴一為北齊天保八年造一為武平六

年造前志云天保八年建碑記云武平中建各據

一像以言其實造像建寺非必同一時也

金山寺 在西南十二里分水鎮西河壩前相傳

陳玄奘出家處同上

興隆寺 在板打營北宋治平中建縣志

楊和尚寺 在城東南四十里

鐵菩薩廟 在周家莊

古佛寺 在撒家店

地藏寺 在張廷實家店俱同上

三官廟 一在西關外前志 一在紀王橋北縣志

玉皇廟 一在城西十里鋪明御馬太監鄧義建

前志 一在城南八里延陵冢上壽官賈舜民建

凌雲閣 在西關外塑玉皇像

眞武廟 一在城內鳴珂街俱同上 一在東門外

拱辰街縣志 縣人王鳳岐建

東嶽廟

在東門外相傳唐代建

同上

門前有古槐

高丈八尺雍正十一年夏晝風倒越宿植立如故

人皆異之

前志

泰山行宮

在西門外祀碧霞元君

縣志

明崇禎十

五年尼谷氏建

前志

九聖祠

在崔家莊

禎祥觀

在西門外

張仙祠

在石官堂

王母廟

在城東北

三清廟

在西門外

娘娘廟 在東門外池南祀西陵氏今圯

二郎廟 一在鳴珂街元代建俱同上 一在姚家

莊縣志

藥王廟 一在太僕寺街 一在棗園橋俱同上

三皇廟 在棗園橋前志

